



Inatsisartunut ilaasortaq, Ineqi Kielsen, Siumut
-/Her

**Timip nunatsinnut attuumassuteqanngitsup innuttaassusaa pillugu § 37
naapertorlugu akissut**

13-01-2017
Sags nr. 2017 - 385
Akt nr. 4283212

Asasara Ineqi Kielsen,

Postboks 1160
Tlf: 34 50 00
Fax: 34 55 05
3900 Nuuk

Email: pn@nanoq.gl
www.naalakkersuisut.gl

Inatsisartut suleriusaat naapertorlugu timip nunatsinnut attuumassuteqanngitsup
innuttaassusaa pillugu apeqquteqaravit qujanaq. Apeqqutit ataani akissavara.

Apeqqut:

**Nunatsinni innuttaassuseqanngitsup toqukkut qimagunnerani timaa qanoq
pineqartussaava?**

Akissut:

Inuk peqqinnissaqarfimmit suliarineqartilluni toqukkut qimaguttoq nakorsiatut
isigineqarunnaartarpoq. Taamaattumik peqqinnissaqarfik toqusup
angerlartinneqarnissaanut aningaasartuutunik matussusiisussaataangilaq.

Innuttaasut nunatsinnut attuumassuteqanngitsut nunatsinnut aallannginnerminni
tikeraannginnerminnilu angalanermi napparsimalernissamut sillimmasertariaqarput
napparsimalernermut toqukkullu qimagunnermut atatillugu aningaasartuutunik
matussusiisussamik.

Toqukkut qimaguttoq nunatsinnut attuumassuteqanngippat peqqinnissaqarfik
pisariaqartitsineq naapertorlugu toqusup angerlartinnaasanut ilaquataasut
pileraarusiorneranni ikiuuttarpoq. Sumiiffinni atukkat apeqqutaatillugit toqukkut
qimaguttoq assartorneqarnissami tungaanut toqusut inaannut, imaluunniit
tamatumunnga assingusumut, inissinneqassaaq.

Toqukkut qimaguttut nunatsinnit assartorneqartussat tamarmik oqaatsini marlunni
(qallunaatut/tuluttut imaluunniit qallunaatut/franskisut) inerlugu suliamik toqusunut
passeqarnissaat piumasaqaataasarpog. Toqusunut passimi toqusoq
tuniluussinnaasumik nappaateqarnersoq allanneqartarpoq. Toqusunut passi
inerlugu suliarineqassappat toqusimanermut uppersaat ilanngullugu
nassiunneqartariaqarpoq.

Sumiiffimmi suliffeqarfik nassiussuineramik aallutalik isumasioqatigalugu toqusup
angerlartinneqarnissaa pileraarusiorneqartarpoq, suliffeqarfiullu toqusup ilaquatai
sillimmasiisarfialuunniit assartuussinermut, ilaatigut illerfimmumut, aqerlorterinermut
assigsaannullu, aningaasartuutitut akileeqqusarpai.

Inussiarnersumik inuulluaqqusillunga
Med venlig hilsen


Agathe Fontain



Januaari 3.-at, 2017

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

Apeqqutit:

- **Nunatsinni innuttaassuseqanngitsup toqkkut qimagunnerani timaa qanoq pineqartussaava?**

(Inatsisartuni ilaasortaq Ineqi Kielsen, Siumut)

Tungavilersuutit:

Nunatsinni innuttaassuseqalernissamut qinnuteqarsimanerimi itigartitaasimasup toqkkut qimagunnerani periutsit suut atorneqarnersut tusassallugu pingaartippara.

Ulluni atuuttuni inuit amerliartorput naalagaaffiup ataani nunatsinni najugaqarlutik innuttaassuseqalernissamik qinnuteqartartut. Taakkulu toqkkut qimagunneranni periusissat qanoq ittuuppat? kiisalu qimaguttup timaanik naalagaaffimmut aggerfianut utertitsisoqassappat piumasqaatit qanoq ittuuppat?

Apeqquteqaatima tiguneraniit ullut suliffiusut qulit ingerlanerani paasissutissiilluartumik siunissamullu takorluilluartumik akineqarsimanissara qilanaarivara.